

Was braucht ma auf an Bauerndorf

www.franzdorfer.com

Wås braucht ma auf an Bau-ern-dorf, Wås braucht ma auf an Dorf? An Pfår - rer, der schön
6 singt, a Glock - n, die schön klingt, an Mes - ner, der gut läu - ten kãnn, an
11 Schul - moas - ter, an gscheit - n Mãnn, dås braucht ma auf an
14 Bau - ern - dorf, dås braucht ma auf an Dorf.

2. Wås braucht ma auf an Bauerndorf,
Wås braucht ma auf an Dorf?
An Schneider, der nix nimmt,
an Boten, der bãld kimmt,
an Bauern, der sein Weib nit schlägt,
a Weib, dås übern Mann nid klãgt,
dås braucht ma auf an Bauerndorf,
dås braucht ma auf an Dorf.

3. Wås braucht ma auf an Bauerndorf,
wås braucht ma auf an Dorf?
An Wirt, der nit z'viel sauft,
an Buam, der nit gern rauft,
an Knecht, der nit aufs Gaßl geht,
a Dirn, die nit zum Fenster steht,
dås braucht ma auf an Bauerndorf,
dås braucht ma auf an Dorf.

4. Wås braucht ma auf an Bauerndorf,
Wås braucht ma auf an Dorf?
An Becker, der oft bãcht
Und d'Semmeln nit z kloan mãcht,
an Brauer, der schon fleißig rührt
und schaut, daß s'Bier nit wassrig wird,
dås braucht ma auf an Bauerndorf,
dås braucht ma auf an Dorf.

5. Wås braucht ma auf an Bauerndorf,
Wås braucht ma auf an Dorf?
An Müllner, der nit stiehlt,
an Fuhrmãnn, der nit schilt,
a Wirtin, die nit trutzig ist,
an Kickrihãhn auf jedn Mist,
dås braucht ma auf an Bauerndorf,
dås braucht ma auf an Dorf.